


MEMBURU IDEA DI THAILAND



Ikuti cerita mengenai lawatan penilaian industri 16 warga UPM ke Bangkok



#KONGSI CERITA GEN.Y

Muhammad Fajrul Kelana
Gen.y@hmetro.com.my

Berkongsi ilmu pengetahuan apatah lagi mengetahui perspektif orang luar perjalanan cukup menyeronokkan. Pada 7 hingga 12 April lalu, 14 siswa dan dua pensyarah dari Jabatan Sains Haiwan, Fakulti Pertanian, Universiti Putra Malaysia (UPM) mengadakan lawatan ke Bangkok, Thailand.

Objektifnya untuk mendedahkan pelajar mengendalikan sumber dan merancang program. Antara dilawati ialah Chokchai Farm iaitu ladang lembu tenusu integrasi sepenuhnya berkelu-

san 480 hektar. Kami difahamkan, ia ladang agrotourism yang memiliki lebih 1,000 lembu baka tenusu kacukan baka tempatan dan Friesian dikenali sebagai Chokchai Friesian.

PEKERJA BERPAKAIAN KOBOK

Terkenal dengan tema 'Wild Wild West', lebih unik apabila pekerja ladang memakai pakaian ala kobok. Selain lembu, ladang ini turut mempunyai haiwan lain seperti gajah, kuda dan kuda padi.

Selain menghasilkan produk berasaskan tenusu, antara tarikan lain adalah demonstrasi pemerah susu menggunakan tangan dan teknologi moden, fasiliti pembiakan lembu tenusu, pembuatan 'hay' dan 'pasture' bagi ternakan fidiot.

Bukan itu saja, kami turut berpeluang membuat ais krim daripada susu segar, memberi makanan kepada haiwan serta aktiviti berkaitan perladangan dan pelancongan.

Pemilik ladang, Khun Chokchai Bulakul berkata, dia memilih tema kuda dan 'countryside' bagi ladangnya.

KENALI SPESIES UNIK DI ZOO

Lawatan dilanjutkan dengan berkunjung ke Zoo Dusit (Khao Din) iaitu zoo pertama Thailand yang dibangunkan 60 tahun lalu.

Cukup teruja apabila berkesempatan melihat rusa barking albino dan harimau Bengal putih selain difahamkan zoo ini menempatkan lebih 1,600 haiwan domestik dan antarabangsa.

Terdapat juga 'African Savanna' iaitu kawasan untuk zirafah, burung unta dan zebra, 'nocturnal house', 'reptile house', 'hawks exhibit', 'elephants house' dan 'play land' khas untuk kanak-kanak.

Kesimpulannya, lawatan ini memberi persepsi berbeza kepada pelajar untuk lebih terbuka kepada idea baru dengan nilai antarabangsa.

